



ქალაქ ფოთის მუნიციპალიტეტის საკრებულო



განკარგულება № 8/20

2020 წლის 29 მაისი

ქალაქი ფოთი

“ქალაქ ფოთის მუნიციპალიტეტის სასაფლაოების მოწყობისა და მოვლა-პატრონობის წესის დამტკიცების შესახებ” ქალაქ ფოთის მუნიციპალიტეტის საკრებულოს 2014 წლის 7 ივლისის №14/19 დადგენილების შესაბამისად, სოციალურად დაუცველი პირებისთვის შეღავათის დაწესების შესახებ “ქალაქ ფოთის მუნიციპალიტეტის საკრებულოს 2019 წლის 29 მაისის №12/46 განკარგულებაში ცვლილების შეტანის თაობაზე

საქართველოს კონსტიტუციის მე-5 მუხლის პირველი პუნქტის თანახმად, საქართველო არის სოციალური სახელმწიფო, შესაბამისად, სახელმწიფო ზრუნავს საკუთარი მოქალაქეების სოციალური უფლებების დაცვაზე.

“ქალაქ ფოთის მუნიციპალიტეტის სასაფლაოების მოწყობისა და მოვლა-პატრონობის წესის დამტკიცების შესახებ” ქალაქ ფოთის მუნიციპალიტეტის საკრებულოს 2014 წლის 7 ივლისის №14/19 დადგენილებით დამტკიცებული წესის მე-5 მუხლის მე-3 პუნქტის შესაბამისად, სასაფლაოების მმართველი ორგანიზაციის მიერ გაწეული მომსახურების სახეობები და საფასურები, ასევე მისი გადახდისაგან განთავისუფლებისა და შეღავათების გაწევის წესი განისაზღვრება საკრებულოს სამართლებრივი აქტით.

როგორც მოგეხსენებათ, სოციალურად დაუცველ ოჯახებს არ აქვთ საშუალება, დაფარონ გარდაცვლილი ოჯახის წევრის დასაფლავების ხარჯები (საფლავისთვის მიწის გამოყოფის საფასური, დაკრძალვის ნებართვის გაცემისა და მომსახურების საფასური).

ამდენად, ქალაქ ფოთის მუნიციპალიტეტის საკრებულოს 2019 წლის 29 მაისის №12/46 განკარგულების პირველი მუხლის შესაბამისად, სოციალურად დაუცველ ოჯახებს დაუწესდა შეღავათი, კერძოდ: საფასურის გადახდისგან განთავისუფლდა სოციალურად დაუცველი ოჯახების მონაცემთა ერთიან ბაზაში რეგისტრირებული გარდაცვლილი პირის ოჯახი, რომლის სარეიტინგო ქულა არ აღემატება 100 000-ს. ზემოხსენებული საკრებულოს განკარგულება და შეღავათი არ ვრცელდება იმ პირების ოჯახებზე, რომელთა მიცვალებულიც დასაფლავებულია და საჭიროებს გადმოსვენებას საზღვარგარეთიდან, სხვა მუნიციპალიტეტიდან, ქალაქ ფოთის მუნიციპალიტეტის სხვა სასაფლაოდან.

ზემოხსენებულიდან გამომდინარე, შესაბამისი ცვლილება უნდა შევიდეს საკრებულოს განკარგულებაში და შეღავათი გავრცელდეს იმ პირების ოჯახებზე, რომელთა მიცვალებულიც დასაფლავებულია და საჭიროებს გადმოსვენებას საზღვარგარეთიდან, სხვა მუნიციპალიტეტიდან, ქალაქ ფოთის მუნიციპალიტეტის სხვა სასაფლაოდან.

საქართველოს ზოგადი ადმინისტრაციული კოდექსის 63-ე მუხლის პირველი ნაწილის შესაბამისად, ადმინისტრაციულ-სამართლებრივ აქტში ცვლილების ან დამატების შეტანის უფლება აქვს მის გამომცემ ადმინისტრაციულ ორგანოს.

აღნიშნულიდან გამომდინარე:

მუხლი 1.

შეტანილ იქნას ცვლილება “ქალაქ ფოთის მუნიციპალიტეტის სასაფლაოების მოწყობისა და მოვლა-პატრონობის წესის დამტკიცების შესახებ” ქალაქ ფოთის მუნიციპალიტეტის საკრებულოს 2014 წლის 7 ივლისის №14/19 დადგენილების შესაბამისად, სოციალურად დაუცველი პირებისთვის შეღავათის დაწესების შესახებ” ქალაქ ფოთის მუნიციპალიტეტის

საკრებულოს 2019 წლის 29 მაისის №12/46 განკარგულებაში, კერძოდ: განკარგულებას დაემატოს მუხლი 1¹ შემდეგი რედაქციით: „მუხლი 1¹. აღნიშნული განკარგულების პირველი მუხლით გათვალისწინებული შეღავათი გავრცელდეს იმ პირების ოჯახებზე, რომელთა მიცვალებულიც დასაფლავებულია და საჭიროებს გადმოსვენებას საზღვარგარეთიდან, სხვა მუნიციპალიტეტიდან, ქალაქ ფოთის მუნიციპალიტეტის სხვა სასაფლაოდან.“.

მუხლი 2.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 29 მაისიდან.

საკრებულოს თავმჯდომარე



ბექა ვაჭარაძე